

唐
音
統
籤

辛籤一樂章之二

唐音統義卷

九百二

祀五郊樂章二十首

唐書樂志祀五方上帝

徵褚亮虞世南等作其望帝行葵太和酌

獻欽福泰壽和武舞奏觀安送神奏豫和

詞皆同卷至

圖丘不重錄

降神

黃中正位含章居貞既長六律兼和五聲畢陳萬

舞乃薦斯牲神其下降永作休平

肅和登歌贊玉帛

眇、方輿蒼、圓蓋至我樞紐宅中國大氣調四

序風和萬籟祚我明德時雍道泰

雍和迎組

金懸夕肆玉姐朝陳饗薦黃道茅流紫宸迎誠
迺西教載亨載裡崇薦斯在惟皇是賓

舒和

御徵乘宮出郊甸安歌率舞遞將迎自有雲門符
帝賞犹持雷鼓蒼天成

青帝角音

降神

鶴雲旦起鳥星昏集律候新風陽開初蟄至德可
饗行潦斯挹錫以無疆蒸人乃粒

肅和

登歌
玉帛

玄鳥司春蒼龍登歲節物變柳光風轉蕙瑤席降
神朱絃繡帝誠備祝嘏禮彈珪幣

雍和 迎俎

大樂稀音至誠簡礼文物棣々聲天濟々不復有
戒三登無咎迺春豐潔恩覃愷悌

舒和 送又舞出迎武舞入

笙歌籥舞屬軍韶驚鼓鳧鐘長時豫調露初迎綺
春節承雲遠踐蒼霄馭

赤帝徵音 降神

青陽告讞朱明戒序延長是祈敬陳琳解博碩斯

薦笙鏞備舉庶盡肅恭非馨稷黍

肅和 登歌奠玉帛

舞位克明火中宵見峰雲暮起景風晨扇十權初
榮含桃可薦紫瓊百品鏗鐸三變

雍和 迎俎

昭々丹陸奕々炎方禮陳牲幣樂備篋簧瓊羞溢
俎玉醑浮觴恭惟正直歆此馨香

舒和 送文舞出迎武舞入

千里溫風飄絳羽十枝炎景騰朱干陳觴薦俎歌
三獻拊石擬金會七盤

白帝商音

降神

白藏應節天高氣清歲功既阜庶類收成萬方靜謐九玉和平馨香是薦受祚聰明

肅和

登歌箕玉帛

金行在節素靈居正氣肅霜嚴林彫草勁豺祭隼擊溱洧川鏡九穀已登萬流詠

雍和迎祖

德應西成氣躔南呂珪幣咸列笙等備舉必蘭羞茅桂醑式賓宴既用調霄序

舒和

送文舞出迎武舞入

璿儀氣爽鷲俱簫玉呂反飛舍素商鳴鞀奏管芳
羞薦會舞安歌葆旒揚

黑帝羽音

降神

嚴冬季月星迴風厲享祀報功方祚來歲

肅和

登歌美玉帛

律回玉琯星周金度次極陽烏紀窮陰鬼火林霰
雪陽泉凝注八蜡已登三農息務

雍和

迎俎

陽月斯紀應鍾在候載潔牲膾登俎豆既高既
遠無敬無臭靜言格思惟神保佑

舒和 送文舞出迎武舞入

執籥持羽初終曲朱于玉鉞始分行七德九功威已揚
明靈降福具穰々

五郊舊樂章十首

唐書樂志曰大樂舊有此詞不詳所起會要云于

志學作

黃郊迎神

朱明季序黃郊王辰厚以載物甘以養人毓金為
賦稟火成身宮音式奏々以迎神

送神

春來冬暮祖夏杪秋土王四月時季一周泰稷已

唐詩集卷之五
季蓮豆宜收送著樂神其賜休

享

青郊迎神

綈幕移便青郊啓蟄淋景遲
和風習 磬玉宵
備旌旄曙五張樂以迎帝神其入

送神

文物流彩聲明動色人竭其恭
靈昭其饒款薦無
已垂禎不極送礼有意惟神還軼

赤郊迎神

青陽節謝朱明候改靡草彫花
舍桃流彩虞列鐘
磬筵陳脯醢樂以迎神其如在

送神

炎精式降蒼生收仰羞列豆籩酒醑犧象昭祀甫
應宜其不爽送樂張音惟靈之往

白郊迎神

序移玉律節應金商天嚴殺氣吹警秋方楨燎既
積稷奠並芳樂以迎奏庶降神光

送神

祀遵五禮時屬三秋人懷肅敬靈降禎休莫歆旨
酒薦享珍羞載張送樂神其上遊

黑郊迎神

玄英戒序黑郊臨候掌祀陳彝司筮軌豆寒氣飲
色五泉澗漏樂以迎神八音供職斯奏

送神

北郊時洲南陸輝虔奠本虔誠獻彌恭慮上延祀

福下承歡豫廣樂送神之其整馭

祀

朝日樂章三首唐書樂志祀朝日樂章八

奏太和酌獻飲福養壽和武舞奏凱母送樂

神奏豫和詞同冬至圓丘不重錄文月樂

章用圓丘名同並貞觀丘

中作玉海云褚亮作作

肅和

惟聖格天惟明饗日帝郊肆類王宮戒吉珪奠春

舒鐘歌既溢禮云克脩斯又有秩

雍和迎神

晨儀式薦明祀惟光神物爰止靈暉載揚玄端肅
事薰悺興祥福獲攸假於昭允王

舒和送文舞出迎武舞入

崇牙樹羽延調露旋宮扣律掩承雲誕敷懿德昭
神武載集豐功表睿文

朝日舊樂章二首

唐書樂志曰大樂舊有此
辭不詳所起 會要云許

敬果

迎神

大陽朝序玉宮有儀端
桃彩駕細柳光馳軒祥表
合漢曆彰奇禮和樂備神其降斯

送神

五齊魚酌百羞具陳樂終廣
奏禮畢崇禋明鑑萬寓照臨
兆人永流洪慶式動曦輪

祀夕月樂章三首

肅和登歌奠玉帛

測妙為神通微曰聖坎祀
臨則郊禋展敬禋薦登
先金歌動映以載嘉德以
流曾慶

雍和迎俎

肱最爭舉天宗禮闕夜曲涼秋陰明湛夕有醉斯旨
有牲斯碩穆、其暉穰、是積

舒和

送文舞出迎武舞入

合吹八風金奏動分容萬舞玉鞘驚詞昭茂典光
前列夕曜秉功表盛明

祀

九宮貴神樂章十五首

天室中製樂和
與圓丘同但和酌

獻曰壽和飲福曰福

和又加撤臣曰肅和

豫和

於昭上帝臨下有先羽翼五佐周流八荒誰其便
之時文對敬虞經夏典茲禮未遑

黑帝旋馭青騷導日金籙上玄玉堂初吉鈞陳夕
次臺和先暉稿、羣靈昭、威秩

帝臨中壇受釐元神皇靈萃正羽旄肅陳攝提運
衡招搖移輪先、宇宙電耀雷震

爽如何其明星煌、天清谷樹露佶壇場樹羽幢
之佩玉鏘、凝精駐目瞻望神完

九位既肅萬靈畢會天門啟扃日御飛蓋煥兮紛
離賓兮暗霽如山之福惟聖時對

崇之泰壇靈其臨兮鏗鏗大樂振動心兮神之降
矣卿雲郁兮神之至止清風肅兮

太和 皇帝行

帝在靈壇大明燦光天回雲粹穆々皇々金奏九
夏圭陳八節曠哉動植如熙春陽

肅和

登歌奠玉帛

歌工既奏神位既秩天符衆星連行太乙敷和十
管氣應中律肅々明廷介茲元吉

雍和 迎俎入

俎豆有踐黃流在罇九宮之祀三代莫存樂變六
宮壇闢八門聖皇昭对祐我黎元

壽和 酌獻

時文哲后肅事嚴禋馨我明德享我貴神大庖載
盈旨酒斯醇精意所屬期於利人

福和飲福

祀既云畢明靈告旋禮洽和應福至神虔動祖咸
若陰陽不愆錫茲祝嘏天子萬年

舒和

送文舞出迎武舞入

羽籥既闋干戚陳八音克諧六變新愉貴神兮
以樂保皇祚兮萬斯春

凱安

盛德陳萬舞威稜暢九域風雲交律候日月麗昭

回行慶休祥
發象和春氣
來百神肅臨
享蕩天門外

肅和撒豆

精意嚴恭
明祀豐潔
獻酬既備
俎豆斯撤
日麗天儀
風和樂節
事况祀典
章有載

豫和送神

享申百禮
慶洽百靈
上排闥闔
洞入杳冥
奠玉高壇
燔黍廣庭
神之降福
萬國咸寧

祀風師樂章

色佶撰

迎神

太皞御氣勾芒肇功蒼龍青旗爰候祥風律、和
應神以感通粵俎修御時惟禮崇

奠幣登歌

旨酒告潔青蘋應候禮陳瑤幣樂獻金奏彈弦自
晉解凍惟舊仰瞻昭靈羣祥來湊

迎祖酌獻

德盛昭臨迎拜翼方爰候發生式薦馨香酌醴具
舉工歌載揚神歆六律恩降百祥

亞獻終獻

管籥脩玉帛陳風動物樂感神三獻終百神臻

水滂天下春

送神

微穆敷華能應節
飄揚發彩宜行慶
送迎靈駕神
心享跪拜靈壇
禮容盛氣和草木
發萌芽德暢禽
魚逸翔泳永望翠
蓋迓流雲自茲率
士調春令

祀兩師樂章

包佶撰

迎神

陟降左右誠達幽玄
作解之功樂惟有羊雲
輯戾止灑霖飄烟惟馨
展禮爰列豆籩

奠幣登歌

歲正未明禮布玄製惟樂能感与神合契陰霖離
被靈馭搖裔膏澤之慶期於稔歲

迎俎酌獻

陽開幽蟄躬奉鬱鬱禮備節應震来靈降動祖求
聲飛沈允望時康氣茂惟神之既

亞獻終獻

奠既備獻將終神行令瑞飛空迎軋德祈歲功衆
煙燧倏從風

送神

整駕昇車望寥廓乘陰薦祀蕩昏氛饗時靈既優

如在樂罷餘聲遙可聞飲福陳誠禮容備撤俎終
獻曙究分跪拜脂壇結空想年々應節候油雲

幸籤一樂章之三

唐音統籤卷

九百二十九

夏至祭皇地祇方丘樂章五首

唐書樂志貞觀中褚亮等

作其太和壽和凱安三章詞同圓丘不重錄

順和迎神

萬物資以化交泰屬昇平易從業惟簡得一道斯
寧其儀况玉帛送舞變咸英黍稷良非貴明德信
惟馨

肅和

至矣坤德皇矣地祇開元統紐合大承規九宮肅
列六典相儀永言配命長保無虧

雍和迎祖

柔而能方直而能敬厚載以德大亨以正有滌斯
壯有馨斯盛今茲景福祚我休慶

舒和 送文舞出迎武舞入

玉幣牲牲子薦享羽旄于誠遠成容一德惟寧兩
儀恭三材保合四時邕

順和 送神

陰祗叶贊厚載方貞牲幣具舉簫管備成其豐惟
肅其德惟明神之聽矣式鑒度誠

則天大享拜洛樂章十五首

唐書則天紀雍州人唐同泰莊

瑞石于洛水文去聖毋臨人永昌帝業后辨
其樂章則

天御擬

昭和 設禮

九玄眷命三聖基隆奉成先旨明臺畢功崇祀展
敬冀表深衷永昌帝業式播淳風

致和

神功不測兮連陰陽包藏萬宇兮孕八荒天符既
出兮帝業昌願臨明祀兮降禎祥

咸和

坎澤祠容備舉坤壇祭典爰申靈睭遙行祀躅嘉

既薦委殊珍肅祀恭禋載展翹襟選老逾殷方期

交際懸應

下一句逸

九和乘輿初行

祇荷坤德缺若乾靈慚惕罔寘與起匪寧恭崇祀
則肅奉儀形惟憑展敬敢薦非馨

顯和非洛

菲躬承康顧薄德恭坤儀乾、遵後命真、奉先
規挽俗勤雖切還淳化尚虧未能弘治道何以契
明祇

顯和受圖

顧德有慚虛菲明祇屢降禎符記水初呈祕象濕
洛游表昌圖玄澤流恩載洽丹襟荷渥增愉

昭和登歌

舒陰致養合大資生德以恒固功由永貞升歌薦
序垂幣翹誠虹開玉照鳳引金聲

敬和迎俎

蘭俎既昇蘋羞可薦金石載設威英已變林澤新
德山川是遍敎用敷誠寔惟忘倦

欽和酌獻

齊和送文典出迎武舞入

沈潛演既分三極廣大凝禎德萬方既薦羽旌又
化啟還呈干鉞武威揚

德和武舞

夕暢司龍勢晨兢當鳳宸崇儒習舊規
偃霸植先音絕壤飛冠蓋遐區嚴山水幸承三聖餘
孕屬千軍始

禮和撤祖

百禮崇容千官肅事靈降無兆神凝有粹奠享威
周威儀畢備奏夏登列歌雍撤肆

通和辭神

皇仁靈騰穆、神心暫動凝質還歸積陰功玄樞
紐理并高深銜息佩德聳志剋襟

歸和送神

言旋雲洞兮繡烟途永寧中宇兮安下都包涵動
植兮順榮枯長徽室既兮贊璇圖

又

調雲闕兮神座興驂雲駕兮儼將昇騰絳霄兮垂
景祐翹翹兮荷休徽

睿宗祭皇地祇方丘樂章三首

唐書樂志太極元年有事

作不詳撰人樂章凡八章其太和觀女詞同貞觀各至圖丘甫和雍和詞同貞觀太

廟不重錄舒和詞問
皇帝朝羣臣本訶以

順和此神

坤厚載物德柔垂祉九域咸雍四溟為紀敬因良
節虔修陰祀廣樂式張靈其降止

金奏八變

坤元至德品物資生神嘏博厚道協高明列鎮五
嶽環流四瀛于何不載萬寶斯成

順和送神

樂備金石礼先尊俎大享爰終洪休是舉雨零庶
節雲飛應序櫻綬載辭皇靈具舉

玄宗汾陰祭皇地祇樂章十一首

唐書開元

將幸晉陽宰相張說言於上曰汾陰雖上

有漢后土祠其礼久廢陛下宜同巡幸修

之為崇祈穀上從之

其軍二月壬子禮成

順和

迎神 黃門侍郎韓思復作

大樂和暢敷薦明神一降通感八變必有求斯

應無德不親降靈醉止休徵萬人

又中書侍郎盧從愿作

坤元載物陽樂發生播殖資始品彙咸亨列祖蒸
布方壇砥平神歆裡祀后稷惟明

又司勳郎中劉冕作

大君出震有事郊禋齋戒既肅馨香畢陳樂和禮
備候煖風春恭惟降福實賴明神

又 礼部侍郎韓休作

於揆睿哲維清緝熙肅事昭配永言孝思滌濯靜
嘉馨香在茲神之聽之用受福彙

太和

皇帝行
吏部尚書王峻作

於穆聖皇丕葉重光太原刻頌后土疏場寔鼎呈
符敵雲孚祥礼樂備矣降福穰穰

肅和

登歌
玉帛
刑部侍郎崔玄暉作

聿修嚴配展事裡宋祥符寶躬礼備黃琮祀詞以

信明德惟聰介茲景福永無窮

雍和

迎祖
徐州刺史賈曾作

錫我漸饗紮我菁籜有豆孔碩為羞既臧至誠無
味精意惟芳神其醉止欣樂康

壽和

酌獻飲福
禮部尚書蘇頲作

禮物斯備樂章乃陳誰其作主皇攷聖真對越在
天聖明佑神宵然汾上學澤如春

舒和

送文舞出迎武舞入
太常少卿何夔作

樂奏云闋禮章載虔禋祀於地昭假於天惟馨薦
矣既醉歆焉禋之降福永萬年

凱安

武舞

主爵郎中蔣挺作

維歲之吉維辰之良聖君俊冕蕭事壇場大祀已
修大樂斯章神其醉止降福無疆

順和

送神

尚書右丞源光裕作

方丘既膳嘉饗載謚齋敬畢誠陶範責績秀篋豐
薦芬俎盈寔永福流其昇如日

玄宗禋社首祭皇地祗樂章八首

唐書

三軍十有一月東封泰山來靈登山祀吳
天上帝幸邙祀皇地祗於社首藏玉冊於
石上如封祀壇之禮祗樂章前七章
太常必郊賀知章作後送神一章侍中源
乾曜

順和迎神

至哉含柔德萬物資以生常順稔稔載流謙通變
盈聖心事能察增廣陳厥誠黃祇儻如在春折俟
咸亨

太和皇帝行

肅我戒命於昭黃祇裘冕而祀陟降在斯五音克
脩八音聿施緝熙肆靖厥心匪離

肅和登歌奠玉帛

黃祇是祇我其夙夜寅畏誠潔匪違寧舍禮以琛
玉薦厥茅藉念茲降鹿胡寧克暇

雍和 迎祖入

夙桓宥密不敢寧宴五齊既陳八音在縣采盛以
潔房粗斯薦惟德惟馨尚茲克禘

壽和 皇帝初獻

惟以明發有懷載殷樂盈而反禮順其禮立清以
獻薦欲是親於穆不已哀對斯臻

福和 皇帝飲福

穆天子告成岱宗大衆如濡執珽有顯樂以平
志禮以和容上帝臨我云胡肅邕

太和 皇帝還宮

昭、有唐天俾萬國列祖應命四宗順則申錫無疆
宗我同德曾孫繼緒享神配極

靈其醉 送神代頌和

靈其醉 香熙、靈將往 眇視、顧明德 吐正辭 爛
遺光流 禎祺

祭

神州北郊樂章三首

唐書樂志曰貞觀中

褚亮等作其迎神奏

順和詞同夏至方丘

皇帝行泰和酌獻

福至奏壽和武舞奏

觀安送神奏頌和詞

同冬至奏壽和武舞奏

丘不重歸奉頌和詞

又云蕭琴壽和武舞奏

大矣坤儀至哉神縣包合日域罕籠月竈絕露潔三

片字系新
清風詞六變皇祇屆正式歆恭薦

雍和迎祖

恭折嚴亨陰郊展敬禮以導神樂以和牲黜牲在
列黃琮俯映九土既平萬邦遺慶

舒和送又舞出迎武舞入

坤道降祥和庶品靈心載德孳羣生水土既調三
極恭文武畢備九區平

祭神州舊樂章二首

唐書樂志曰大樂舊有此辭不詳所起

迎神

黃輿孳載赤裳歸德含育九區保安萬國誠敬無

怠禮祀有則樂以迎神其儀不忒

送神

神州陰祀洪恩廣濟州樹露和飛沈沐惠祀修鼎
俎奠歆瑤幣送樂有章靈軒其逝

祭大社樂章三首

唐書樂志曰貞觀中祭大社樂章並褚亮等作其順

和詞同夏至方丘

太和壽和觀堂詞同冬

至圓丘不重編會要又

肅和

后土凝德神功協勢九域臣平兩儀交際戊期應
序陰墉展幣靈車少留俯歆樽桂

雍和 迎俎

美報崇本嚴恭展事受露疏壇承風放地潔潔登
姐醇犧入饋介福遠聲生畢邊

舒和送文舞出迎武舞入

神道發生敷九稼陰極東仁暢入城律武經文隆
景化登祥薦祉啟豐年

祭大社舊樂章二首

唐書樂志曰大樂曰
有此詞不詳所起

迎神

烈山有子后土有臣播種百穀濟育兆人春官緝
禮采伯司裡戊為吉日迎享茲辰

送神

吉祥式就酬功載畢親地尊天礼文徑衍既微令序

福流初日神馭爰歸祠官其出

蜡百神樂章三首

与朝日同餘詞用圓
玉海云蜡虎作

肅和

登歌奠玉帛

序迫歲陰日躔星紀爰稽茂典聿崇清祀倚幣霞
舒瑞珪虹起百祺垂祐萬靈受祉

雍和迎祖

緄籥動序玄英晚候姬蜡闌儀幽歌入奏蕙穠離
相蘭芳玉酎大享明禋永傳多祐
舒和送文舞出迎武舞入

經緯兩儀文化洽削平方域武功成瑤紘自樂乾
坤旅玉鉞長歡區宇寧

蜡百神舊樂章二音

唐書舊有蜡詞不詳所起
會要云許敬宗作

迎神此詞廢
不行用

八蜡開祭萬物合祀上極天維下窮坤紀稟粗流
芬罇彝薦美有靈有祗成帝來止

送神此詞後
尚行用

十旬歡洽一日祈終澄彝拂姐報德酬功慮虔容
肅禮傳儀豐神其降祉整取隨風

享先業樂章四首

唐書樂志曰貞觀中享先
業樂章褚亮等任其里帝

行用太和酌獻敘福用壽和武舞用凱安
並詞同冬至圓丘不重錄送神樂志云用

承和詞

失載

誠和迎神

糗食伊始農之所先古今攸賴是曰人天耕斯帝
籍播教公田式崇明祀神其福焉

肅和登歌奠玉帛

樽尋既列瑚簋方薦歌工載登幣禮斯奠肅、享
祀翮、饗弁神之聽之福流寰縣

雍和迎祖

前夕視牲廣明奉俎沐芳整弁斯像式序盛禮畢

陳嘉樂備舉歆我懿德非馨稷黍

舒和

送文舞出迎武舞入

羽籥低昂文徽已千戚蹈厲武行初望歲祈農神
所聽矣祥介福豈云虛

享先農舊樂章

唐書樂志曰太樂舊有此詞不詳所起會要云郭瑜作

永和

三推禮就萬庾祈凝黃賓志遠蔗菜惟具降歆蕭
薦垂祐祗膺送神有樂神其上昇

享先農樂章五首

唐書樂志曰顯慶中皇后親登內出此詞

永和

迎神
曰順德

芳春開令序韶苑暢和風惟靈申廣祐利物表神
功綺會周天外黻藻寰中庶幾承慶節歆奠下惟
宮

肅和 皇后昇壇

明靈光至德溪功掩百神祥源應節啟福緒遯年
新萬宇承恩履七廟佇恭禋于茲申至懇方期連
慶臻

展敬 登歌奠帛

霞莊列贊位雲集動和教金危薦綺席玉帛垂芳
履同心罄丹款先已勵蒼生所冀延明福於茲享

至誠

潔誠迎俎

桂筵開玉俎
蘭圃薦瓊芳
八音調鳳曆
三獻奉鸞觴
潔潔申大享
虔實冀降祥
神其覃有慶
契福永無疆

昭薦飲福送神

仙壇禮既畢
神駕儼將昇
行屬深祥起
方期庶績凝
虔誠資宇內
務本勗黎蒸
靈心昭備享
率土洽休徵

皇太子親釋奠樂章五首

武舞恭凱安詞同
冬至圓丘不重錄

會要云范

願等作

誠和迎送神
名曰宣和

聖道日用神机不測金石以陳
絃歌載涉爰釋其菜
匪馨于稷來顧來享是宗是極

承和皇太子行

萬國以貞光上嗣三善茂德表重輪
視膳寢門尊
要道高闢崇瞻引正人

肅和登歌奠幣

粵惟上聖有縱自天傍周萬物俯應
千軍舊章允
著嘉贄孔虔王化茲有儒風是宣

雍和 迎祖

堂獻瑤篚庭敷瓊縣禮修其容樂和其變肅之親
享雍之軌奠羽禮惟聲蘋蘩可薦

舒和 送文舞出迎武舞入

雋集龜開昭聖烈龍躡鳳跄肅神儀尊偏敬葉宏
圖闡緯武經文盛德施

享孔子廟樂章二首 唐書樂志曰大樂舊
有此詞不詳所起

迎神

通吳表聖問老探真三千弟子五百賢人億齡規
法萬載祠裡潔誠以祭奏樂迎神

送神

醴溢犧象羞陳俎豆魯壁類聞泗川如觀里校軍
福胄筮承祐雅樂清音送神具奏

釋

奠武成王樂章

郭茂倩樂府云唐釋奠武成王舊以文宣王樂章用

之德宗貞元中詔于郊補造

迎神

卜畋不從兆發非熊乃傾荒政爰佐一戎盛烈載
重命祀維崇日練上戊宿嚴闕宮迎奏嘉至感而
遂通

奠幣登歌

管磬升籥，鄉集上公。建嘉幣，執信以通。俊如及恢，
帝功錫后邑。四維張百度，立綿億載。邈難挹。

迎俎酌獻

五齊潔九牢，碩稅糜。楛疊掌滌，進具物揚。鴻饋和
養，發高靈。竇虔告終，繁祉錫昭。秩祀永無易。

亞獻終獻

二觴以獻，三變其終。顧此非馨，尚達斯衷。茅縮可
致，神歆載融。始神翊周，控溺除凶。時維降祐，永絕
興戎。

送神

明祀方終，憐樂斯闋。黜德所瘞，豆籩告撤。昭靈尚餘，先景云滅。返歸虛極，神心則悅。

享龍池樂章十首

唐書樂志曰：古宗龍潛時居變為池，望氣者異焉。漢正位，以南宮為池，水逾大，彌漫數里，名其池為龍池，有神。

女出于波心，乃夢中之女，同置龍祠于龍池上，每歲祀之，會要曰：問元二羊內出，蔡龍慶宮以仲暮月，蔡焉。

築壇與

紫微合姚崇作

與

元二羊內出，蔡龍

慶宮以仲暮月，蔡焉。

築壇與

元二羊內出，蔡龍

第一章

紫微合姚崇作

與

元二羊內出，蔡龍

慶宮以仲暮月，蔡焉。

築壇與

元二羊內出，蔡龍

慶宮以仲暮月，蔡焉。

恭聞帝里生靈，治應報明君。鼎業新旣，協翠泉光。寶命還符白水，出其人。此時舜海潛龍，躍此地。光河帶馬，巡獨有前池。一小雁叨承，舊惠入天津。

第二章

左拾遺蘇頌作

帝宅王家大道邊，神馬龍龜涌聖泉。昔日時經此
地者，來看去漸成川。歌臺舞榭原正月，柳岸梅
洲勝往年。莫言波上春雲少，祇為從龍直上天。

第三章

太府少卿沈佺期作

龍池躍龍已飛龍，德先天之平。蓬池開天漢，分
黃道龍向天門入。紫微郎第樓臺多氣色，君王
苑雁有光輝。為報寰中百川水，來朝此地莫東歸。

第四章

黃門侍郎盧懷慎作

代邸東南龍躍泉，清漪碧浪遠浮天。樓臺影就波

中出日月光，疑鏡裏懸。雁沼回流成，岸海龜書薦。
社應堯年大，川旣濟慚。馬檝報德空，思奉細涓。

第五章 殿中監姜敏作

龍池初出此，龍山常經此。地謁龍顏日，芙蓉生
夏水。年々楊柳變，春湧堯壇寶。匣餘煙霧辟，海漢
舟尚往。還願以飄緇，五雲影從來。去九天開。

第六章 史部尚書崔日用作

龍興白水漢，與符聖主時。泉運斗樞岍，上羊茸五
花樹。波中的皪千金珠，操環昔聞迎。夏啟登匣先
來瑞，有虞風色雪光隨。隱見赤雲神化象，江湖

第七章

紫微侍郎蘇頲作

兩京鳳郎躍龍泉佳氣休光鎮在天軒后霧圖今
已得秦王水劍昔常傳恩魚竿似昆明釣瑞鶴長
如太滄仙願侍巡游同舊里更聞箫鼓濟樓船

第八章

黃門侍郎李乂作

星分邑里四人居水游涼流萬頃餘魏國君王秤
象處晉家藩邸化龍初青蒲暫似游梁馬綠藻還
疑宴鑄魚自有神靈滋液地軍之雲物史官書

第九章

工部侍郎姜晞作

靈沼紫迴郎第前浴日涵春寫曙天始見龍臺昇

鳳闕應如霄漢起神泉石匱渚傍還啟聖桃李初
生更有仙欲化帝園從此受正同河變一千年

第十章

兵部郎中裴璠作

乾坤啟聖吐龍泉、水軍、勝一軍始著魚羅方
成海即睹龍飛利在天洲渚遙將銀漢接棧臺直
與紫微連休氣榮光常不散縣知此地是神仙

率箴一樂章之四

唐音統箴卷

九百三

享太廟樂章

唐書樂志貞觀中享太廟樂章魏徵褚亮等作其皇帝行奏太和武舞奏凱安詞同

冬至圓丘不重錄

永和迎神

於穆烈祖弘此丕基永言配命子孫保之百神既洽萬國在茲是用孝享神其格思

肅和登歌配也

大哉至德允茲明聖格于上下聿遵誠敬嘉樂斯登鳴球以詠神其降上式隆景命

雍和迎祖

樂茲享祀誠敬兼至樂以感靈禮以昭事深盛成

潔牲牲孔備永言孝思庶幾不墮

皇祖宣簡公長發舞酌獻濬哲惟商長發其祥

義之

虞哲維唐長發其祥帝命斯祐王業克昌配天載

德就日重先本枝百代申錫無疆

皇祖懿王長發舞詞同

太祖景皇帝大基舞

猗与祖業皇矣帝先剪商德孕封唐慶延在姬犹

稷方晉踰宣基我稟運於萬斯年

世祖元皇帝大成舞

周穆皇季晉美帝文明之盛德穆之齊家藏用四

履屈道三分鏗鏘鍾石載紀鴻勳

高祖大武皇帝大明舞

唐會要曰貞觀十

等議高祖廟奏大明之舞配焉曰大明

終始六位時成詩有大明之篇稱文王

五紀更運三正遞升勛華既沒禹湯勃興神武命

代靈暎是膺望雲彰德察律告徵上紐天維下安

地軸徵師涿野萬國服咸偃伯靈臺九宮允穆殊

域委賁懷生介福大礼既歸大樂已和黑章擾圉

赤字浮河功宣載籍德被詠歌克昌厥後百禱是
荷

壽和 皇帝飲福

八音斯奏三獻畢陳寶祚惟永暉光日新

舒和 送文舞出迎武舞入

聖教通神光七廟靈心薦祚和萬方巖裡克配鴻
基遠明德惟馨鳳曆昌

雍和 徽俎

於穆清廟聿修嚴祀四縣載陳三獻斯止籩豆撤
薦人祗介祉神惟格恩錫祚不已

永和送神

肅之清祀蒸之孝思薦享昭脩虔恭在茲雍歌撤
俎祀燬陳辭用光武志永固鴻基

太宗以下廟舞樂章四首

太宗文皇帝崇德舞 永徽元年造

五運改卜千齡啓聖彤雲晚聚黃星桓映葉闡珠
囊基開玉鏡下臨萬寓上膺七政霧開三象塵清
九服海濂星暉遠安迎肅天地交泰華夷輯睦翔
泳歸仁中外禔福績踰黜復勳高剪商武陳七德
刑設三章祥禽巢閣仁獸游梁卜年惟永景福無

疆

高宗天皇大帝鈞天舞 光宅元年造

承天抗籀纂聖登皇遐清萬寓仰協三光功成日
用道濟時康璇圖載永寶曆斯昌日月揚暉煙雲
爛色河嶽修首神祇効職舜風攸偃堯曦先就睿
威通寰孝思決宙奉揚先德虔遵叢狩展義天高
飛英雲岫化逸王表神凝帝先乘雲厭俗馭日登
亨

中宗孝和皇帝太和舞 景雲元年造

廣樂既備嘉薦既新述先惟德孝饗惟親七獻具

舉五齊畢陳錫茲祚福於萬斯春

肅宗大聖真皇帝景雲舞

開元四年造

惟庸作聖惟聖登皇精感耀魄時膺會昌舜慚大
孝克推讓王能事斯極拔古誰方文明履蓮車書
同執魏：赫：盡善盡美衢室凝旒大度瑞展釋
負之寄事光復子脫屣高天登遐上玄龍湖超忽
象野芊綿遊衣復道薦泉初年新廟奕：明德配
天

享太廟日樂章三首

唐書樂志太樂舊
有此詞不詳所起

迎神

四變同七詞

七廟觀德百靈攸仰俗荷財成物資含養道光執
契化籠提象肅、雍、神其來饗

金奏

肅、清廟魏、盛唐配天主極累聖重先樂和管
磬禮備烝堂永惟來格降福無疆

送神

五声脩奏三獻終祠車移鳳輦旆轉紅旗禮周蕙
豆誠致虔祗皇靈絃誦簪紳拜辭

則天享清廟樂章十首

第一

建清廟贊玄功
擇吉日履禋宗樂已變
禮方崇望神
駕降仙宮

第二

隆周創業寶命惟新
敬宗茂典爰表虔禋
聲明已
備文物斯陳肅容如在
懇志方申

第三登歌

肅敬大禮上謁尊靈
敬申筐幣載表丹誠

第四迎神

敬奠蘋藻式罄虔禋
潔誠斯展佇降靈歆

第五飲福

爰陳玉醴式奠瓊漿靈心有穆介福無疆

第六送文舞

帝圖革創王業初開功高佐命業贊雲雷

第七迎武舞

赫々功被穹壤皇々至德洽生靈開基撥亂妖
氣廓佐命宣威海內清

第八武舞作

荷恩承顧託執契恭臨祝廟畧靜邊荒天兵耀神
武

第九撤俎

登歌以闋獻禮方周欽承景福肅奉鴻休

第十送神

大禮言畢仙衛將歸莫申丹懇空瞻氣微

中宗享太廟樂章十四首唐書樂志神龍元

詳撰人時章后專政錄托古

禮助享內有樂歌四章云

嚴和
肅之清廟赫之玄猷功高萬古化苞十州中與玉
業上荷天休祇奉先構祀被懷柔

昇和

顧惟菲薄纂曆應期中外同軌夷狄來思樂用業

德禮以陳詞夕惕若厲欽奉宏基

慶和 登歌裸也

禮標薦登肅事祠庭敬申如在敢託非馨

歆和 迎俎

崇禋已備粢盛聿修潔誠斯展鐘石方道

皇祖光皇帝室長發舞 光皇帝初尊為懿王後鳳中始追尊

帝

太祖景皇帝室大基舞

代祖元皇帝室大成舞

世祖避諱稱代

祖高神光皇帝室大明舞

以上四舞詞同貞觀

太宗文武聖皇帝室崇德舞

詞同永徽

高宗天皇大帝室鈞天舞

詞同先代

義宗孝敬皇帝室承和舞

金相載穆王裕重煒養德青禁承光紫微乾宮候
色震象增威監國方永賓天下歸壽友自寰溫文
性與龍棲正啟鶴駕斯舉丹宸流念鴻名式序中
典考室永陳彝俎

延和 皇帝飲福

魏、累聖撰、重光祿有區夏祚放隆唐百壘飲
澤萬國來王本枝億載鼎祚逾長

同和 送文舞出迎武舞入

惟聖配天教盛禮惟天為大闡洪名恭禋展敬先
先德蘋藻申虔表志誠

寧和 武舞

奕馭炎王綱土德承天命英猷被寰宇懿躋隆邦
政七德已綏邊九夷咸底定景化覃遐迩源仁洽
翔泳

恭和 徽俎

禮周三獻樂闋九武肅承靈福棟煬蒸盈

通和 送神

祠容既畢仙厓爰興序之鳳舉靈之雲昇長隆寶

運永錫休徵福覃昭厥恩被黎蒸

正和

皇后助享行用貞觀
中宮朝會正和詞止

昭和

皇后登歌奠嘗

道洽二儀交泰時休四寓和平環佩肅於庭實鍾

石揚乎頌聲

誠敬

皇后酌獻飲福

顧惟菲質忝位栴宮虔奉蘋藻肅事神宗敢申誠
潔庶罄深衷睟容有裕靈享無窮

肅和

徹俎

月礼已周雲和將變爰獻其醑載遷其奠明德逾
隆非馨是薦澤露動植仁覃寓縣

昭感 送神

鏗拊韶護肅穆神容洪規赫々祠典雍々已周三
獻將乘六龍虔誠有託懇志無從

玄宗享太廟樂章唐書樂志開元七年享太廟樂章特進行尚書右丞

相熟固公張說作

永和三章 迎神

肅九室諧八音歌皇慕動神心禮宿設樂歎尋声

明儀裸奠臨

律近氣音八玄依玉几御黼筵聆愾息優周旋九韶
遍百福傳

信工祝永頌聲來祖攷聽和平相百辟貢九瀛神
休委帝孝成

太和皇帝行

時文聖后清廟肅邕致誠勤薦在貌思恭玉節肆
夏金鐸五鍾繩々雲步穆々天容

肅和登歌兩贊

天子享孝工歌溥將躬裸鬱鬯乃焚幣擲臭以達
陰声以求陽奉烝嘗永代不忘

雍和二章

迎祖

在滌嘉養麗碑敬牲角握之壯色純之駢火傳陽
燧水漑陰精太公胖俎傳說和羹

俎豆有馥潔盛潔豐必有和羹既戒既平鼓鐘管
磬肅唱和鳴皇天后祖來我思成

文舞 皇帝酌醴齋

聖謩九德真言五千慶集昌曹符開帝先高文杖
鉞克配彼天三采握鏡六合渙然帝其承祀率禮
罔愆圖書霧出日月清懸舞形德類詠驗功傳黃
龍蜿蜒彩雲踰躐五行氣順八佾風宣介此百祥

於皇萬年

獻祖宣皇帝室光大舞

三獻

肅之藝祖涖之濬源有雄玉劍作鎮金門玄玉貽
緒后稷謀孫肇禋九廟四海來尊

懿祖光皇帝室長發舞

具禮崇^德脩樂承風魏推幢主周贈司空不行而至
無成有終神興王業天歸帝功

太祖景皇帝室大政舞

舞舊名大基至是改用大政

於赫元命權輿帝文天齊八柱地半三分宗廟觀
德筮鏞樂勳封唐之兆成天下君

代祖元皇帝室大成舞

帝符季歷襲聖生昌后歌有嶠胎炎孕黃天地合
德日月齊光肅雖孝享祚我萬方

高祖神堯皇帝室大明舞

赤精亂德四海困窮黃旗舉義三靈會同旱望春
雨雲披大風溥天來祭高祖之功

太宗文武聖皇帝室崇德舞

皇合一德朝宗百神削平天地大極民人上帝配
食單于入臣戎歌陳彝擘震

高宗天皇大帝室鈞天舞

高皇邁道端拱無為化懷德嚮兵戢勾驪禮尊封
禪樂聖業偃合位媼后同稱伏羲

中宗孝和皇帝室大和舞

退居江水鬱起丹陵禮物還舊朝章中興龍圖友
及駿命恭膺鳴球香瓊大糖是承

睿宗大聖真皇帝冲德室景雲舞

景雲菲爛告我帝符嚆帝冲德与天为徒笙鏞遠
遠俎豆虛無春秋孝献廻漢世都

福和 皇帝飲福受服

備禮用樂崇親至尊誠通慈降敬徹愛存献懷稱

壽嘒感承恩皇帝孝德子孫千億大包天域長亘
不極

舒和 送文舞出迎武舞入

六鍾翕協六變成八佾倘佯八風生樂九韶兮人
神感美七德兮天地清

凱安四章 亞獻終獻武舞

琴彼瑤爵亞惟上公室如屏氣門不容躬禮殷其
本樂執其中聖皇永慕天地出通
禮匝三獻樂遍九成降循軒陛仰歎皇情福與仁
合德同孝明百軍福位四海風行

總：于戚填，鼓鐘奮揚，增氣坐作，為容離若鷲。
鳥合如戰龍，萬方觀德肅，雖。
烈祖順王靈，文宗威四海，黃紱誅羣盜，朱旗掃多。
罪戢兵天下，安約法人心，改大武于羽，意長見風。
雲在

登歌 撤豆

止笙琴撤豆，籩廓無響，資入玄王，在室神在天，情。
餘薰禮罔愆，喜恭稷屢豐年。

永和送神

眎嘉樂授靈爽，感若來思如往，休氣散迴風，上返。

竊窺還愧悅懷靈駕結空想

又宣皇帝室初定光大舞辭

宣皇帝武德初稱公儀鳳

中追稱帝向與懿祖同用長卷之舞開

元初始定為光大舞其辭云爾前舞辭

又其後改撰者

大業龍社徵晉駿尊潛居皇德赫嗣天昆展儀宗

祖重誠孝孫蒼秋無極享泰存

玄宗以下廟舞樂章十一首

玄宗至道大聖大明孝皇帝室廣運舞宗代

寶應中續造司徒中書

令汾陽王郭子儀撰

於赫皇祖昭明有融惟文之德惟武之功河海靜

謚車書混同混同虔恭穆之玄風

肅宗文明武德大聖大宣孝皇帝室惟新

舞

吏部尚書平章事彭城郡公劉晏撰

溟祚惟永神功中興風驅氛祲天覆黎蒸三光再朗庶績其凝重熙累葉景命是膺

代宗睿文孝武皇帝室保大舞

尚父郭子儀撰

於穆文攷聖神昭彰肅清羣隱含光遠方萬物茂遂九夷賓王惜之雲韶德音不忘

德宗神武孝文皇帝室文明舞

尚書左丞平章事鄭

餘慶撰

開邸除暴時邁勦尊三元告命四極駿奔金枝翠
葉輝燭瑤琨象德億載昭慶湯孫

順宗至德大聖大安孝皇帝室大順舞中書

侍郎平章
事鄭綱撰

於穆時文受天明命允恭玄默化成理定出震嗣
德應乾傳聖猗歆緝熙千億流慶

憲宗聖神章武孝皇帝室象德舞中書侍
郎平章

事段文
昌撰

肅之清廟登顯至德澤周八荒兵定四極生物咸
遂羣盜滅息明聖欽承子孫千億

穆宗睿聖文惠孝皇帝室和寧舞中書侍郎平章

事牛僧孺撰

澁：頌、融昭德輝不紐不舒贊成九圍武烈文
經敷施當宜纂克付教億萬熙

敬宗睿武昭烈孝皇帝室大鈞舞中書侍郎平章

奪撰詞止

文宗元聖昭獻孝皇帝室文成舞中書侍郎崔瑒

撰詞止

武宗至道昭肅孝皇帝室大定舞門下侍郎平章

事李回撰

受天明命敷佑下土化時以儉衛文以武氣消夷

夏俗臻往古億萬斯年形于律呂

宣宗聖武獻文孝皇帝室舞

舞名失傳門下侍郎夏候

撰致

於鏗合主聖祚重昌與起教義申明典章俗尚素朴人皆樂康積德可報流慶無疆

懿宗昭聖恭惠孝皇帝室舞

舞名失傳中書侍郎平章

事蕭徽撰

聖祚無疆慶傳樂章金枝繁茂玉葉延長海濱常晏波濤不揚汪々美化垂範今王

僖宗惠恭定孝皇帝室舞

舞名及詞並亡

昭宗聖穆景文孝皇帝室咸寧舞

郭茂倩樂府作

咸寧文獻通攷

作咸寧撰人缺

於鑠玉嗣惟帝之克羽籥象德金石薦祥聖象無
極景命永昌神降上哲惟天配長

辛籤一樂章之五

唐音統籤卷

九百三十一

太清宮樂章十一首

唐書高宗乾封元年追尊老子太上玄皇帝

亳州立廟玄宗開元二十年詔兩京諸州置玄宗廟天寶二年加尊為大聖祖親祀

以冊尊號仍改兩京玄宗廟為太清宮文

獻通攷云有事太清宮有司奏請降神用

混成之樂送神用太一之樂：章十一首

舞混成紫極之舞檢撰詩人名姓未獲

煌煌降仙聖

煌煌降仙聖

煌：道宮肅々太清禮光尊祖樂憚元庭整竭誠

至希夷降靈雲凝翠蓋風縠紅旌衆真以後九奏

初迎永惟休祐是錫和平

冲和登歌發炉

虛無結思鐘磬和音歌以頌德香以達心禮殊裸
望義感昭臨雲車至止屢垂愍

香初上

肅我祖餘道宗至感潛達靈心暗通雲輶御
氣芝蓋隨風四時裡祀萬國來同

再上

仙宗積道我李承天慶深虛極符先象先俗登仁
壽化闡壇消五千貽範億萬斯年

終上

不宰元功無為上聖洪源長發誕受天命金奏迎

真境宮展盛脩禮周樂垂光儲慶

紫極舞

至道生元氣重圓法混成無為觀大象冲用牀常
名仙樂臨丹闕雲車出玉京靈符百代應瑞符九
貞迎宝運開皇極天臨映太清長垂一德慶永庇
萬方寧

序入破第一奏

真景開妙理冲教統清虛化演無為日言昭有象
初瑤壇肅靈瑞金闕映仙居一奏三清樂長回八
景輿

第二奏

虛極仙宗本希夷象帝先百靈朝太上萬法祖重
圓善感惟冲德功成謂自然雲門達和氣恩用合
鈞天

第三奏

元符傳紫極寶祚啟高真道德先垂裕冲和已化
溥人風齊太古天瑞吁惟新仙樂清都上長明交
泰辰

登歌 徽醮

嚴禋展事理潔絜當皇矣聖祖德惟馨香盛薦既

撤歌工載揚大來之慶降福穰

真和送神皇

玉磬含響金爐既馥風馭冷、雲壇肅、香鼎大
象霈流嘉福俾寧萬邦無思

德明興聖廟樂章七首

唐書禮儀志曰玄宗
天寶二年迎尊卑錄

為德明皇帝梁武昭王
與聖皇帝十載
立廟製樂章文獻通攷云
史部侍郎李行

撰
迎神

元尊九德佐堯光宅烈祖太宗方周作伯響懷霜
露樂變金石白雲清風塲華朶格

登歌奠幣

四時有典百事來祭尊祖奉宗嚴禋大帝祀先蒼
璧奠備黜制於斯萬年熙成帝系

迎俎

盛牲寔俎涓選休成鼎堪陽燧玉盥陰精有鈇嘉
豆既和大羹備以清樂細齊人情

德明酌獻

清廟奕々和樂雍々器尊犧象禮膺宗公白水方
裸黃流在中謨昭之德萬古清風

興聖酌獻

闕宮靜謐合樂周章恭尊始獻百末重觴震澹存
誠庶幾迪嘗造涼之祚天漢靈長

亞獻終獻

惟清惟肅靡聞靡見舉脩九成悅終三獻慶彰曼
壽昨徹嘉薦瘞玉埋牲礼神斯徧

送神

元精回瀆靈既繁滋風瀝蘭路雲搖桂旗高丘徧
鮑涼部遠運瞻望靡及纏綿永思

儀坤廟樂章十二首

唐書樂志祀南明昭成

夜今詳舞詞語意當是上世迎尊帝而誼
另六典載景帝而誼景烈元帝而誼元貞

明成堂其加謚欽廟樂后從帝

別為樂章非禮致此是中采朝奉時祝欽

明郭山憚等逢迎章后議禮多集重宮可

故宜有法贈造今欽明名預撰人中可

矣廉宗后名謚昭成然於

舞詞并撰人時代皆不合

永和散騎常侍昭文館學士徐彥伯作

猗若清廟肅々熒々國薦爰祀坤輿淋靈有凡在

室有樂在庭臨茲孝享百祿惟寧

金奏一本无此章

不詳作者

陰靈效祉軒曜降精祥符淋氣慶集柔明瑤俎既

列雕桐發聲徽猷永逸比德皇英

太和皇帝

左諭德昭文館學士丘悅作

太和皇帝

左諭德昭文館學士丘悅作

孝我我后冲乎迺聖道映重華德粹文命慕深視篋
情殷抚鏡萬國移風

肅和

酌獻登歌
太子洗馬

昭文館學士張顏作

裸圭既濯鬱鬱既陳盡暴雲舉黃流玉醑儀充獻
酌禮盛衆裡地察惟孝愉焉饗親

雍和

迎俎
大中大夫

昭文館學士鄭善玉作

酌鬱既灌薌蕭方襲籩豆靜嘉簋簋茅飶魚腊薦
美牲牲表潔是載是將載迎載列

昭升

肅明皇后室酌獻
禮部尚書昭文館學士薛稷作

薛稷作

陽靈配德陰魄昭升克壇鳳下後室龍興覩天作

對前旒是凝化行南國道盛西陵造舟集灌無德
而松我榮既潔我醴既澄陰之靈廟先靈若憑德
馨惟享孝思烝々

坤貞

昭成皇后室酌獻
不詳作者

乾道既亨坤元以貞肅雍攸在輔佐斯成外睦九
族內光一庭克生廉哲祚我休明欵若徽範悠哉
泝靈建茲清宮于彼上京縮茅以獻絜秬惟馨實
受其福斯千億齡

壽和

飲福

太子詹事兼文館學士徐堅作

於穆清廟肅雍嚴祀合福受釐介以繁祉

舒和 送文舞出迎武舞入
銀青光祿大夫崇文館學士胡雄作

送文迎武連參差一始一終光聖儀四海生人歌有
慶千齡孝享肅無虧

安和 武舞

秘書少監崇文館學士劉子多作

妙筭申帷幄神謀及廟庭兩階文物備七德武功
成校獵長楊苑屯軍細柳營將軍獻凱入歌響溢
重城

雍和 徽組
作 銀青光祿大夫崇文館學士賈羊千

孝享云畢維徽有章雲感玄羽風淒素商瞻望神

陞祗懋匪違禮終樂闋肅雍鏘々

永和

送神

金紫光祿大夫崇文館學士祝欽明

闕宮寔寶清廟微々降格無象馨香有依式昭纂

慶方融嗣微明禋是享神保事歸

儀坤廟舊樂章二首

樂志云太樂又有一本身
前畧同惟此二章不同撰

人無
攷

迎神

月靈降德坤元授光娥英比秀任姒均芳瑤臺薦
祉金屋延祥迎神有樂歌妙嘉猷

送神

玉帛儀大，金絲奏廣。靈應有孚，冥徵不其降。彼休
福歆茲禋，享送樂有章。神麾其上。

昭德皇后廟樂章九首唐書后妃傳曰昭德

宋特承寵異貞元二年册為皇后崩既葬

命宰臣張延賞柳洋撰樂章上以為非

工命學士吳通多別撰

進樂志云其詞內出

穆清願薦嚴禋，昭禮併和樂。新望靈光，集元辰。

祚無極，享萬春。

肅和 登歌酌也

誠心達娛樂兮升蕭管鬱氣氤氳茅旣宿皂旣薰
後來思福如雲

雍和 迎俎

我將我享盡明而誠載茅黍稷載滌犧牲饗美元
良萬邦以貞心乎愛敬若睹容声

坤元 酌獻

於穆先后儷聖稱崇毋臨萬宇道被大宮昌時協
慶理內成功殷薦明德傳芳國風

壽和 飲福

工祝致告徽音丕遐酒醴咸旨馨香具嘉受釐獻

祉永慶邦家

舒和 送文舞出迎武舞入

金枝羽部輟清歌
瑤臺肅穆笙磬羅
諧音遍禦令
明意萬類昭融
靈應多

凱安 武舞

表位列四星帝功
參十亂進賢勤內
輔扈輝清多
難承天厚載均並
曜宵光燦雷徽
謫前躅萬古披
罔煥

雍和 徽組

公尸既起享禮載
終祜歌進撤盡敬
絲哀淅流惠

下大小咸同

永和送神

昭事終幽事餘移月御返仙居璇庭寂雲幄虛額
徘徊感皇儲